

《中國地方藝文薈萃》總編會 編

學苑出版社

中國地方藝文薈萃

華夏卷·第三輯 叁

華東卷·第三輯

叁

中國地方藝文薈萃

《中國地方藝文薈萃》編委會 編

貴州師範學院內部使用

續梁溪詩鈔二十四卷（二）

貴州师范学院内部使用

續梁溪詩鈔二十四卷（二）

侯學愈輯

據民國九年（一九二〇）無錫錫成公司鉛印本影印。

續梁溪詩鈔卷十一

梁溪 侯學愈 戢盦氏 纂

道光朝四

朱蔭培

蔭培字澹庵諸生少負奇氣博學能文游幕山左三十餘年所之有聲時山
左適際捻匪之亂文獻凋零蔭培主持風雅從游甚盛著澹庵詩文存邑志
文苑附杜友章傳

將偕東山弟北上留別故鄉諸友

開徧將離顏色老送春儂亦駕征輪諸君他日看花處定對青山憶故人

纔停祖席更揮毫箇箇詩篇備正騷載得珍珠盈十斛此行真比阿兄豪

研星式如
絨雲萃鈕

贊廷春煦著漁季文叔
連日設餞並各贈詩

紀行雜詩

廉纖風雨尖纖月滿目江山滿樹烟趁我阻風中酒日一齊分付與吟箋

發船打鼓夢初迴手拓篷窗面面開先向船頭看風色曉雲如絮過江來
小泊雲溪近酒家夕陽古堠亂啼鴉誰家女伴門前立羞煞碧桃一樹花
江南到處好烟鬢纔過江來一例刪却袖異書車上讀勝他終日對青山
石頭犖犖響礮礮亂擲鈴聲替戾岡一笑人生正何苦將身與石戰低昂
點筆車箱苦未工詩腸却與轉輪同準他表聖論詩例也算東來第一功

曉行曲題壁

馬蹄隆隆聲如雷客夢欲醒晨雞催龍泉三尺騎龍媒揮鞭直上黃金臺

過平原弔平原君

翩翩公子濁世英酌酒憑弔心爲傾惜乎過聽新垣平帝秦之錯鑄幾成惜乎不識
毛先生九鼎大呂誰能爭婚姻情重君王輕誤人竊符受惡名三千食客徒虛聲不
及信陵有侯嬴寒簾一笑響傾城秦帝若就誰當烹繡絲何事深移情乃知自古無
眞評

歲除肥城官廨祭詩呈叔父

乾嘉以前詩人少何處驚人覓謝眺乾嘉以後詩人多屠沽亦解稱羊何卽看祭詩
當絕倒幾欲家家鑄賈島笑予免俗猶未能滿酌屠蘇薦芹藻去年祭詩在里門里
門跳盪多詞人此時歡樂難俱陳梅花担作詩人魂今年祭詩少寂寞醉眼相看有
臣叔臣叔爲詩萬人服秋試時蒙賜
五古一章與詩有緣詩所福殘春作客山之東橐筆吟徧
船窗風大麥微黃棗花紫詩情搖曳鞭絲中秋來却出長安道示疾維摩頗草草及
去春明秋正深粉壁題詩惱備保一年得詩四十章一詩酬以酒一觴詩神報我亦
良厚明歲天涯詩興長

濟南觀燈作

人生憂患始行樂苦無策峨峨中丞公度越庸流百鼓興有諸君樂此試燈夕千枝
蠟炬紅百隊粉光白魚龍恣曼衍簫鼓聲闐塞春餘蕩冶心月變繁華色人眞聚若
海金已銷成窟居然樂太平連日猶未歇是時東南方用兵黃河水溢無人耕

雨過十二橋泥濘特甚口占一首

兩師迎我車風伯驟其服瘦騾負鞭笞途路行屈曲或詠活活流流深及馬腹或歌

滑滑泥泥深沒馬足水行非方舟陸行儼溝瀆我過十二橋十步九躑躅層虹碧漢
間處處虞脫輻只有湖水波全學江南綠

題侯雲厓丈自在圖

不學趨時不近名條然並世見侯羸淡忘宦海高官職老守夷門古性情北寺風清
無軌法東坡圖在說前生何當鄉國殲餘寇一笑掀髯倒巨觥
寥寥紙上見天真淨掃胸中十斛塵收視鍊成羅漢果放懷勘破宰官身冷邀瘦鶴
通秋語醉揖閒鷗作主人待我向平心事了准隨笳笠證前因

華鏡字

鏡字字題蓉附貢生候選訓導幼承家訓不以華臚易志父宰仙游卒官浦
負山積百計屏營扶喪奉母歸籍筆耕以給甘旨壯入江督蘇撫幕庚申匪
亂避家粵嘗主南雄講席事母怡怡色養性忼直無城府好周人急撫孤姪
自扶床造授室兩姊寡延與同居培育其子至成立三族待而舉火者甚衆
顧儉於自奉時以畫自娛與秦誼亭逸芬華荻秋齊名樹幟藝苑以子文匯

貴封通奉大夫著延緣閣吟草

題林文忠公遺像

披圖氣象仰深沈九牧勳名邁古今愛士豈惟知己感憂民曲寫老臣心南天星斗如長耀

公堯時口呼星斗而著三

西粵豺狼敢漫侵癡絕虎頭傳白下千秋風雨護棠陰

題馬鶴船懷青山館圖

兩地烽烟劫後身鶯花零落不成春當年蠟屐今何在賸有青山似故人

和朱維清春雨原韻

漠漠春雲撥不開燈前細雨且銜杯隨風着意添芳草破曉驚寒有落梅舊恨每從流水長新詩頻向小樓催何時重躡游山屐睨皖鶯聲又送來

偕王燕生二尹游西湖山鳳凰臺

岸闊沙平鱷渚清高臺雄峙闕江城九苞振采人文麗千嶂排雲氣勢明到此身疑生羽翼吟成字亦挾飛鳴來儀自昔臻全盛叱馭能賢聽頌聲

題潮州紳士曾習軒探奇選勝圖

不訪青鳥即赤松森森喬木拂天風泉聲亂處通危棧人在千山雲氣中

侯楨

楨字子勤號二樛道光丙午順天舉人博通經史暨方輿水利諸書無所不究善為詩古文與同邑張岳駿同師事梅曾亮於京師三上春官不售歸益肆力於學著述甚富粵匪之亂饑困逾年而卒著古杵秋館詩文集邑志文苑有傳

苑有傳

周佐題古杵秋館詩云落拓才名舊相遺話昔游低徊無數語著述有千秋珍重書三篋荒寒土一邱終當所載筆揭石替銘幽其二云海虞留風契燕市共高歌師弟淵源重親朋結納多流移紛道路咫尺隔山河架酒憑携細法然認蘇經一筵旅寓懷侯子勸詩云獨精詩律嚴文品心折西江數大家苦抱太元洗千古在於斯天正多事吾儕會有時文章合神氣相友亦相師

寓言

伏羲始一畫闡闢分坤乾圓方各有體河洛呈先天天道貴旋轉地德宜靜專然祇論其德其體終缺焉論德地則方論體地亦圓覆蓋天之中亘古常如縣四面瀛海

環暗與天關連我欲駕羽輪凌風翔八埏

寄懷林霞巖參軍

宦海每生感煙波起暮愁寒湍子陵瀨秋雨僕公樓親老餘衰髻家貧賦遠游他鄉
殘夢隔冷月照江州

題鍾進士嫁妹圖

夜臺隆隆擊銅鼓鬼母嗥空送神女冷裝七寶九雛釵紫玉暈烟土花古鈿車百兩
迎鸞旌蹇修離合揚神靈終南門第喜歸妹禮李夭桃亦世情

碧落

閭闔排雲訪素娥美人遲暮悔蹉跎白頭吏部秋懷澹紅豆司動春夢多萬斛閒愁
歸妄想百年感遇賸悲歌靈均欲向青天問碧落無情喚奈何
把桃花裏薛濤居別有風情畫不如紅日滿樓春睡足綠雲一枕晚妝餘雙飛蝴蝶
莊生夢兩字鴛鴦永叔書默坐焚香彈夜月抱琴斜倚碧牕虛

青衫白傅譜新詞一曲春風楊柳枝紅燭影搖金屈戌碧雲響過玉參差登樓幾見

花開日倚檻雙窺月上時夢醒南柯苦相憶人間天上總情癡

江南春盡聽吹簫唱到驢歌曲不調兩地落花催客夢一天飛絮送歸橈買絲漫把平原繡對酒空將麗玉招獨立芳園倍惆悵碧闌干外雨瀟瀟

合歡鴛被着相思展出冰蠶萬丈絲果否三生聯舊約記曾十索寫春詞屏風錦帳虛金屋碧月歌筵冷玉卮花落空庭人去後不堪重問最高枝

紅綻枝頭正熟梅園林長夏長莓苔深情苦憶蘼蕪夢小別偏含豈蕊胎春燕巢空勞上下秋鴻影斷漫疑猜七襄雲錦支機石消息銀河訪幾回

珠諾無成珠淚彈傷春有病怯春寒藥盞茗椀供新恨錦瑟瑤琴憶古歡香蕪返魂應有術絲拈續命恰無丹玉環居處蓬山遠擬遣青禽爲探看

碧海黃塵兩渺茫半生綺語未全忘捲簾怕繡紅鸚鵡出世應騎白鳳凰證破夙緣參慧相懺除結習禮空王四愁擬學張平子金錯瓊瑤任主張

題朱熙芝航海逢春圖

春花艷冶春風妍海天如鏡波澄鮮攜花倚棹河漢邊五雲樓閣蓬萊嶺美人凝睇

又含笑手執花枝善窈窕玻璃萬頃雲霞明碧桃花開後天老海上迴風聚落花無
邊春色來天涯銀濤雪浪絢紅日絳蕊琪花漾碧霞美人香草寓言耳富貴浮雲有
如此彈指聲中途暮春欲挽銀河棹秋水

傳聞

虎門浪擁樹旌旄天使南頭正結營軒臥曾扶宋社稷書空端爲蒼蒼生星搖河漢
旄頭落雲護櫓槍鼓角鳴聞道樓船環海島西風吹遍五羊城

嶺表春開細柳營承恩使相可憐生空教南粵亡新地敢說東甌復舊城籌海雄圖
關漢壽死綬大節卞忠貞蠻煙瘴雨催寒日老將胸中有甲兵

海珠跳躍火雲空南越黔黎隸祝融李廣無功虛上賞亞夫不食萬孤忠籌邊敢信
和戎誤傳箭還期突將雄兩度縫城賢太守保全民命有深衷

仙霞古嶺陣雲屯白日竄溫勢欲吞贖有戈船留粵嶠豈無精甲下金門談兵趙括
書空讀報捷孫歆敵尙存效節獨傳江萬里秋風何處哭忠魂

海潮山立海風高血戰蛟門膽氣豪新息據鞍雄馬革臨淮盪陣壯鞞刀四郊敵壘

聞秋角三鎮忠魂激怒濤痛哭曹娥江上望獨留大將擁旌旄

海舶番奴接戰爭將軍王葛舊知名綠沈血裏晨侵壘金鎖春寒夜擊營百萬貔貅皆死士三千鵝鶴半生兵曉峰羅澹竹門險鬱霧愁雲覆古城

氣作山河返太虛冠軍智勇果何如星軺久駐三江節羽檄空傳八忌書回首恍疑蕉下鹿與尸翻泣釜中魚景生十萬橫磨劍萬古常憐志有餘

濱海咽喉策戰攻使君旌節駐綠艫潰圍反見紿汪直戮力終須用耿忠恥雪封狼酬主遇疏除猛虎爲時窮順昌旗幟劉安撫生佛家家浙水東

獨從海外樹雄名一鳥孤懸慶再生宿將綠營原有種儒臣白簡况知兵雞籠山並奇勳峻鹿耳門看積陣橫韓范英姿寒賊膽秋高磨盾答昇平

吳淞行弔陳提軍

吳淞江頭夜氣白吳淞海口烟塵赤魚龍出沒陣雲寒吹角鳴鳴裂人魄樓雲如牛槍雲馬妖星夜夜照吳越彎弓欲射扶桑東馮夷起舞天吳泣燭龍照海海水紅火珠跳躍摩寒空我朝獄獄忠愍公與賊生死鳴孤忠春寒金甲夜不脫青銅閃日光

熊熊偏師直搗狼山東戰袍裹血噴腥風風迴大海波濤颯獨戰寒塘氣盤鬱孤掌
空鳴髮倒豎猛礮洞胸不遑恤僵立猶持半段槍氣壯河山志報國雲昏月黑淹柴
塘帳下悲呼聲慘傷紅旗翻風海氣涼婁北天將藏寒芒兵民遙祭盡一哭悲風入
海聲浪浪事聞天子憫其死予謚賜祠傳特旨死能殺賊爲鬼雄忠魂毅魄光青史
專祠早向吳淞立功德在民民則祀我朝嶽嶽忠愍公一點丹忱鑒秋水

雄縣道中

回首京華壯志消蘆溝月落馬蹄遙蒹葭風雨三千里楊柳烟波十二橋夢冷邯鄲
情黯黯天寒易水響蕭蕭燕南趙北多奇士屠狗英雄漫寂寥

舟過寶應縣

驛路通南北清淮此合流隄長迤似綫城遠小于舟稔稻江鄉晚魚蝦水國秋海棠
巢畔月清影使人愁

海棠巢在寶應學署
仲祖舜威先生築

過揚州游平山堂

城邊楊柳綠差差嶺上梅花閣部祠二十四橋烟景好玉鈞斜畔強題詩

平山堂下水潺潺第五泉邊酌水還半嶺烟霞滿湖月一橋秋色隔江山

石門月夜

秋宵拄杖倚石門縈迴石路盤雲根荒林敗葉颯秋雨蒼煙界破青天痕雙扉雲封不得入山月欲落愁詩魂銀河瀉地霜滿天金飈吹空峯入雲寒藤半枯瘦蛟舞老松倒挂蒼虬分仙人招我碧山住乘風翔謁雲中君

將赴廬州留別里中諸舊游

迢迢秋夜長耿耿明河橫涼風起天末我將有遠行櫂雲斂寒影戍笛聞悲聲會當策駑駘從此事長征

蓬萊有仙骨鄴下多奇才忘年合神契晨夕相追陪貽我青玉案酌彼黃金罍逍遙河上公虛名何有哉

同學有張籍意氣慘不舒彎弓射天狼奇俠世所無長句學李白遠路泣楊朱會與古人期恰與今人殊

嚴霜悴庭梧秋露泣幽蘭秦川有公子與吾結素懽瑤琴彈一曲響遏浮雲端歸隱